



**Magna Gloria Antiquæ & Novissimæ Domus
Schwarzacensis A Magno Sacerdotio Sive Vita & Res
Præclare Gestæ ... DD. Abbatum Celeberrimi &
Antiquissimi Monasterii O. S. B. in Münster-Schwartzach**

**Friedrich Karl <Bamberg, Bischof>
Wirceburgi, 1743**

Leonardus Abbas XLVII.

[urn:nbn:de:hbz:466:1-64362](#)

LEONARDUS ABBAS XLVII.

Successorem in officio Nicolaus habuit Leonardum, dictum Gnetzheimer, antea Monasterii nostri Priorem; non æmulatorum virtutum. Tametsi enim aliquam de se in aliorum animis concitasset virtutis opinionem, huic tamen, ad Abbatis dignitatem electus adeò non respondit, ut quam cupidè priùs illum sibi præfici postulârunt, tam ardenter hac illum dignitate exui deinceps peroptârent: & quidni peroptâssent? Desiderabant exulceratis illis temporibus, dum Confœderati Principes Albertus Saxoniæ & Albertus Marchio Brandenburgensis Cæsari arma inferentes, in via Augustam Vindelicorum versus Monasterium unà cum subjectis pagis atrociter vexabant, Abbatem rei familiaris tuendæ studiosissimum; qualem se quidem Leonardus non præbuit; ut inde colligere prouum est: Monasterii gubernationem aggressus est necessariâ rerum omnium copiâ instructissimi; Visitante vero illud Reverendissimo Principe Wirceburgensi Melchiore adeò misero loco fuit, ut nulla numeraret pecora, extremâ frumenti, vini &c. penuriâ laboraret. Quædamna cùm ex sola Abbatis negligen-

gligentia oriri intelligeret Melchior (simul quod justissimæ Religiosorum contra Abbatem querelæ accederent, quem conflâsse magna debita, & bona multa vendidisse ægrè ferebant) Leonardum loco motum suam in arcem primùm, dein in Monasterium S. Stephani transtulit; ibi biennio commoratus Abbatiam Auracensem ad Salam fluvium obtinuit à Friderico Ep. Wirc. rursus ab hoc officio paulò pòst amotus in Monasterio S. Jacobi Scotorum extra urbem degere jussus, ibidem fatis defunctus est.

WOLFFGANGUS Zobellus ABBAS XLVIII.

Wolfgangus Zobellus *Tubaro - Röttingensis*
Leonardum secutus est 1556. pridie Joannis Baptistæ, eò præclarioribus ad sustinendam hanc dignitatem dotibus ornatus, quò plures in ejus Antecessore desiderabantur. Corpus quidem infirmum & debile, mentem excelsam nactus erat; cùmque disciplinæ religiosæ ipse studiosissimus esset, ad amplectandam illam gregem subditum nullo pene negotio permovit. Magnam debitum, quæ Leonardus patrimonii S. Felicitatis in-

G 2

felix